

Inatsisartut aalajangiiffigisassaattut siunnersuut Naalakkersuisut peqquneqassasut akileraartarnermi aaqqissuusseqqinnissamut siunnersuuteqassasut, akileraartarnermut ingerlatsineq ajornannginnerusoq, Kalaallit Nunaanni akileraarut ataatsimoortumik apparluni aammalu aningaasarsianut akileraarutit appartinneri ilaliullugu. Siunnersuut UPA 2023-mut saqqummersussanngorlugu suliarineqassaaq.
(Inatsisartunut ilaasortaq Jens-Frederik Nielsen, Demokraatit)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaaneerinnineq

Aallaqqaasiullugu Naalakkersuisut sinnerlugit Aningaasaqarnermut Akileraartarnermullu Ataatsimiititaliaq pitsaasumik isumaliutissiissutiliorneranut qujaffigerusuppara.

Ataatsimiititaliaq aamma Naalakkersuisut allannguutissatut siunnersuutaat allaqqissaarneqarnissaanut siunnersuuteqarnera qujaffigerusuppara.

Taamatut naatsunik oqaaseqarlunga Naalakkersuisut sinnerlugit Aningaasaqarnermut Akileraartarnermullu Ataatsimiititaliaq allannguutissatut siunnersuut akuerissagaat inassutigaa.